

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8/K·655

定價: 人民幣伍萬肆仟圓

ISBN 7-200-06020-8



9 797200 060200

補編第五冊目次

南北史合注一百九十一卷(原缺卷一百七十二)(二)

〔明〕李清撰
清乾隆鈔文淵閣四庫全書撤出本

南北史合注一百九十一卷（原缺卷一
百七十二）（二）

〔明〕李清撰

清乾隆鈔文淵閣四庫全

書撤出本

故宮博物院圖書館

北京大學圖書館藏

欽定四庫全書

南北史合注卷四十五

明 李清 撰

南史四十五

文惠諸子

東昏諸子

武帝二十三男穆皇后生文惠太子竟陵文宣王子良

張淑妃生廬陵王子卿魚復侯子饗周淑儀生安陸王

欽定四庫全書

南北史合注
卷四十五

子建建安王子真阮淑媛生晉安王子懋衡陽王子峻

王淑儀生隨郡王子隆蔡境妤生西陽王子明樂容華

生南海王子罕傅充華生巴陵王子倫謝昭儀生邵陵

王子貞江淑儀生臨賀王子岳庾昭容生西陽王子文

荀昭華生南康王子琳顏娘妤生永陽王子珉宮人謝

生湘東王子建何充華生南郡王子夏第六第十二弟

十五第二十二皇子早亡子珉繼衡陽元王後

竟陵文宣王子良字雲英武帝第二子幼聰敏帝為賴

縣時與裴后不諧遣人舟送后還都已登路子良時年

小在庭前不悅帝謂曰汝何不讀書子良曰孺今何處

何用讀書帝異之即召后還縣仕宋為邵陵王子元友

時宋道哀謝諸王微弱故不廢此官昇明三年為會稽

太守都督五郡封開喜公宋元嘉中皆責成郡縣孝武

後徵求急速以郡縣遲緩始遣臺使自此公役勞擾高

帝踐祚子良陳之請息其弊

南齊書載子良所陳曰前臺使督逋切調相望於道

欽定四庫全書

南北史合注
卷四十五

凡此輩使人既非詳慎勤順或貪險崎嶇要求此役

朝辭禁門情態即異暮宿郵縣戚福便行但令朱鼓

裁完鉞槩徵具顧盼左右叱咤自專呵蹙行民固其

常理侮折守宰出變無窮既瞻郭望境便飛下嚴符

但稱行臺未顧所督先訶強寺却攝庫曹開亭正掄

便振荆草其次絳標寸紙一日數至徵郵切里俄刻

十催四鄉所召莫辨枉直孩老士庶具令付獄或尺

布之逋曲以當匹百錢餘稅且增為千萬姓駭迫人

不自固遂漂衣敗力競致蕪漿值今夕酒諧肉飲即
許附申赦格明日禮輕貸薄便復不入恩科筐貢微
闕垂捷肆請風塵毀謗隨忽而發及其犯蒜轉積爲
粟漸盈遠則分鬻他境近則託買吏民反請郡邑助
民由緩回刺言臺推信在所臣謂凡諸檢課宜停違
使密畿州郡則指賜勅遣外鎮宰明下條源既各奉
別旨人競自罄雖後臺使盈湊徒相疑憤反更淹懈
脫得省者息船優役寔為不少蕪折姦滅竊遠近暫

欽定四庫全書

南北史合注
卷四十五

安

子良敦義愛古郡人朱百年有至行先卒賜其妻米百
斛蠲一人給其薪蘊郡閣下有虞翻舊牀罷任還乃致
以歸後於西邸起古齋多聚古人器服充之夏禹廟盛
有禱祀子良曰禹泣華表仁菲食旌約服玩果粽足以
致誠使歲獻扇簟而已

南齊書載子良表曰京尹雖居都邑廣袤周輪幾將
千里崇原抱隰其處甚多舊遏古塘非惟一所而民

貧業廢地利久蕪近遣官到諸縣循履得丹陽溧陽
永世等四縣解并村者解列堪墾之田合計荒熟有
八千五百五十四頃修治塘遏可用十一萬八千餘
夫一春就功便可成立上納之會遷官事寢

時有山陰人孔平詣子良訟埭市米負錢不還子良數
曰昔高文通與寡嫂訟田義異於此乃賜米錢以償平
建元二年穆妃薨去官仍為丹楊尹開私倉賑屬縣貧
人先是太妃以七月薨子良以八月奉凶問及小祥疑

欽定四庫全書

南北史合注
卷四十五

南郡王昭業應相待尚書左僕射王儉議以為禮有倫
序義無徒設如今遠則不待近必相須禮例既乖即心
無取若疑兄弟同居吉凶舛雜則遠還之子自應開立
別門以終喪事靈筵祭奠隨在家之人再暮而毀庶子
在家亦不待嫡而况儲妃正體王室中軍長莫之重天
朝又行權制進退彌復非疑謂應不相待中軍總縞之
日聞喜致哀而已不受弔慰至聞喜變除昆弟亦宜相
就寓情不對客從之武帝即位封竟陵郡王南徐州刺

史加都督永明二年為護軍將軍兼司徒四年進號車
騎將軍子良少有清望禮才好士居不疑之地傾意賓
客天下才學皆游集焉善立勝事夏月客至為設瓜飲
及甘果著之文教士子文章又朝貴辭翰皆發教撰錄
是時帝新視政水旱不時子良密啟請原除逋租又陳
寬刑息役輕賦省徭

南齊書曰是時上新視政水旱不時子良密啟曰臣

思水潦成患良田沃壤變為汙澤農政告祥因高肆

欽定四庫全書

南北史劄注
卷四十五

五

務播植既周繼以旱虐黔庶呼嗟相視號氣夫國資
於民民資於食漢本始中郡國大旱宣帝下詔除民
租今聞所在逋餘尚多守宰嚴期兼夜課功新稅力
尚無從故調於何取給政當相驅為盜耳臣謂逋租
宜皆原除少降停恩微紓民命自宋道無章王風陵
替竊官假號駢門連室今左民所檢動以萬數漸漬
之來非復始適一朝洗正理致沸騰小人之心罔思
前恩董之以威反怨後罰毀窮則觸事在匪輕齊有

天下日淺恩洽未布一方或饑當加優養自可依源
削除未宜便充徭役且部曹檢校誠存精密今史奸
黠鮮不容情耳目有限羣狡無極詳而後取於事未
遲明詔深矜獄園恩文累墜今科網嚴重稱為峻察
負罪離營充積牢戶暑時鬱蒸加以金鐵聚憂之氣
足感天和皇明載遠書軌未一緣淮滬江數州地耳
以魏方漢猶一郡之譬以今比古復為遠矣何得不
愛民緩政湘區與密蠻寇熾強如聞南師未能挫戮

欽定四庫全書

南北史劄注
卷四十五

六

百姓齊民積年塗炭疽食侵徭邊虞方重交州臭絕
一陸寔惟荒服置之度外不足絃言今懸軍遠伐經
途萬里衆寡事殊客主勢異以逸待勞全勝難必又
緣道調兵以足軍力民丁烏合事乖習銳廣州積歲
無年越州兵糧素乏加以發借必致恒擾臣謂叔獻
所請不宜聽從取亂悔亡更俟後會詔折租布二分
取錢子良又啟曰比天青亟見地孽亟臻民下妖訛
好生嗜嗜殺價雖和比室饑饉縹緲雖賤駢門驟質

臣一念此每入心骨三吳與區地惟河輔百度所資罕不自出宜在蠲優使其全富而守宰相繼務在哀剋破民財產要利一時東郡使民年無常限在所相承准令上直乃有畏失嚴期自殘軀命亦有斬絕手足以避徭役生育弗起殆為恒事守長不務先富民而唯言益國豈有民貧於下而國富於上邪八屬近縣既在京畿發備徵調民特尤貧連年失稔稍有流亡今農政就興宜蒙賑給若逋課未上許以申原宥

欽定四庫全書

南北史合注
卷四十五

豫二藩雖曰舊鎮往屬兵虞累棄鄉土密邇寇庭下無安志編草結庵不達涼暑扶淮聚洛靡有生向凡在荒民應加蠲減又司市之要自昔所難頃來此役不由才舉並條其重贖許以賈銜前人增估求俟後人加稅請代如此輪回終何紀極兼復交關津要共相唇齒愚野未開必加陵誑罪無大小橫沒貲載夫獄訟惟平畫一在制雖恩家得罪必宜申憲昂姓貽譽最合從網若罰典惟加賤下辟書必蠲世族俱非

先王立理之本

并陳泉鑄歲遠類多剪鑿江東大錢十不一在公家所受必須輪郭完全遂買本一千加子七百求請無地挫草相驅尋完者為用既不兼兩回復還貿會非委積徒令小人每嬰困苦且錢布相半為制永久或聞長宰須令輸直進違舊科退容奸利五年正位司徒給班劍二十人侍中如故移居難籠山西郎集學士抄五經百家依皇覽例為四部要畧千卷招致名僧講論佛法造經

欽定四庫全書

南北史合注
卷四十五

頃新聲道俗之善江左未有武帝好射雉子良啟諫南齊書載子良諫曰鑿鑿並動陵犯風煙萬乘至重一羽甚微從甚微之權忽至重之誠頃郊郭以外科禁嚴重田月向登桑時告至士女呼嗟易生噂議棄民從欲理未可安 冊府元龜曰今馳騫外野交待踈闊晨出晚返頓遺清道此愚臣所震迫况狡鹵玩威甫獲款關二漢全富猶加款待如聞使臣頗亦怨望前會東宮遂形言色昔宋氏遣使舊列階下劉縉

御使始登朝殿今既返荅宜賜優禮

先是左衛殿中將軍邯鄲起上書諫射雉帝為止久之起竟被誅永明末帝將復射雉子良復諫

南齊書載子良諫曰忽聞外議伏當射雉伏度陛下信心明照傾金寶於禪靈得使禽魚養命江澤豈惟國慶民懼乃以翱翔沉樂夫衛生保命人獸不殊重軀受體彼我無異一損福業追悔便難

前後所陳帝雖不盡納而深見寵愛又與文惠太子同

欽定四庫全書

南北朝史合注
卷四十五

九

好釋氏甚相友悌子良敬信尤篤數於邱園營齋戒大集朝臣衆僧賦食行水或躬親其事世頗以為失宰相體勸人為善未嘗厭倦以此終致盛名八年給三望車九年都下大水吳興偏劇子良開倉賑救貧病不能立者於第北立廨收養給衣及藥十年領揚州刺史本官如故加中書監文惠太子薨武帝檢行東宮見太子服御羽儀多過制度大怒以子良與太子善不啓聞頗加嫌責帝不豫詔子良甲伏入延昌殿侍醫藥

本史曰子良啓進沙門誦經殿戶前帝為感夢見優曇鉢花子良按佛經宣旨使御府以銅為花插御牀四角

日夜在內太孫間日入叅帝暴漸內外惶懼百僚皆已變服物議疑立子良俄蘇問太孫所在因召東宮器甲皆入遺詔使子良輔政明帝知尚書事子良素仁厚不樂時務乃推明帝詔云事無大小悉與鸞叅懷子良所志也太孫少養於子良妃袁氏甚著慈愛既懼前不得

欽定四庫全書

南北朝史合注
卷四十五

十

立自此深忌子良大行出太極殿子良居中書省帝使虎賁中即將潘敞二百人伏屯太極西階下成服後諸王皆出子良乞停至山陵不許進位太傅增班劍為三十人本官如故解侍中隆昌元年加殊禮劍履上殿入朝不趨贊拜不名進督南徐州其年疾篤謂左右曰門外應有異遣人視見淮中魚無筭皆浮出水上向城門尋薨年三十五帝常慮子良異志及薨甚悅詔給東園溫明器斂以衾冕東府施喪位大鴻臚持節監護太官

朝夕送祭又詔追崇假黃鉞侍中都督中外諸軍事大
宰領大將軍揚州牧綠綬綬備九服錫命之禮使持節
中書監王如故給九旒鸞輅黃屋左轟輜輶車前後部
羽葆鼓吹挽歌二部虎賁班劍百人葬禮依晉安平王
孚故事初豫章王焱葬金牛山文惠太子葬夾石子良
臨送望祖礪山悲感曰北瞻吾叔前望吾兄死而有知
請葬茲地及薨遂葬焉所著內外文筆數十卷雖無文
采多是勸戒子良既亡故人皆來奔赴陸惠曉於邸門

欽定四庫全書

南北史合注
卷四十五

上

逢衣冢問之曰近者王融見殺魏準破膽道路籍籍又
云竟陵不永天年有之乎荅曰齊氏微弱數年爪牙柱
石之臣都盡今之所餘政風流名士耳若不立長君無
以鎮安四海王融雖為身計實安社稷恨其不斷故至
此道路之談自為虛說耳蒼生方塗炭矣政當憑耳聽
之建武中故吏范雲上表為子良立碑事不行子昭胃
字景胤汎涉書史有父風位太常以封竟邊魏永元元
年改封巴陵王先是王敬則事起南康侯子恪在吳郡

明帝慮有同異召諸王侯入宮晉安王寶義及江陵公
寶覽住中書省高武諸孫住西省敕人各兩左右自隨
過此依軍法孩抱者乳母隨入其夜並將加宮賴子恪
至乃免自建武以來高武王侯居常震怖朝不保夕至
是尤甚及陳顯達起事王侯復入宮昭胃仍徃時之懼
與弟永新侯昭穎逃奔江西變形為道人崔慧景舉兵
昭胃兄弟出投之慧景敗昭胃兄弟首出投臺軍主胡
松各以王侯遠弟不自安謀為身計子良故防閑桑偃

欽定四庫全書

南北史合注
卷四十五

上

為梅蟲兒軍副結前巴西太守蕭寅謀立昭胃昭胃許
事剋用寅為尚書左僕射護軍以寅有部曲大事皆委
之時胡松領軍左新亭寅遣人說之
南齊書載寅遣人說之曰須昏人出寅等便率兵奉
昭胃入臺閉城號令昏人必還就將軍將軍但閉壘
不應則三公不足得也

松許諾又張欣泰嘗為雍州亦有部曲昭胃又遣房天
寶以謀告之欣泰聞命響應蕭寅左右華永達知其謀

以告御刀朱光尚光尚挾左道惑東昏因謂東昏曰昨見蔣王云巴陵王在外結黨欲反須官出行仍從萬春門入事不可量時東昏日遊走聞此說大懼不復出四十餘日偃等議募健兒百餘人從萬春門入突取之昭曹以為不可偃同黨王山沙慮事久無成以事告御刀徐僧重實遣人殺山沙於路吏於麝勝中得其事迹昭曹兄弟與同黨皆遇害

原文作伏誅今改之

欽定四庫全書

南北朝史合注
卷四十五

三

梁受禪降封昭曹子同為監利侯同弟賁字文奐形不滿六尺神識耿介幼好學有文才能書善畫於扇上圍山水咫尺內便覺萬里為遙矜慎不傳自娛而已好著述嘗著西京雜記六十卷起家相東王繹法曹參軍得一府歡心及亂王為檄賁讀至偃師南望無復儲胥露寒河陽北臨或有穹廬氈帳迺曰聖製此句非為過似如體目朝廷非闕序賊王聞之大怒收付獄遂以餓終又追戮賁尸乃著懷舊傳謗之極言誣毀

廬陵王子卿字雲長武帝第三子建元元年封臨汝郡公武帝即位為郢州刺史加都督子卿諸子中無德又與魚復侯子響同生故無寵徙都督荊州刺史始興王鑑為益州子卿解督子卿在鎮營造服飾多違制度作瑇瑁乘具詔責之令速送都又作銀鐙金薄裹箭脚亦便速壞去凡諸服章自今不啓輒作當得痛杖又曰汝比令讀學今年轉成長學既勿得教如風過耳使吾失氣永明十年為都督南豫州刺史之鎮道中戲部伍為

欽定四庫全書

南北朝史合注
卷四十五

三

水軍帝聞大怒殺其典籤遣宜都王銓代之子卿還第至前不與相見隆昌元年為衛將軍開府儀同三司置兵佐鄱陽王鏘見害以子卿代為司徒所居屋梁柱際血出溜於地旬日見殺

魚復侯子響字雲音武帝第四子豫章王嶷無子養子響後嶷有子表留為嫡武帝即位為南彭城臨淮二郡太守子響勇力絕人開弓四斛力數在園池中帖騎馳走竹樹下身無虧傷既出繼車服異諸王每入朝輒怒

拳捶車壁武帝知之令車服與皇子同永明六年有司
奏子響宜還本乃封巴東郡王七年為都督荊州刺史
直閣將軍董蠻粗有氣力子響要與同行蠻曰殿下癩
如雷敢相隨邪子響笑曰君敢出此語亦復奇癩帝聞
而不悅曰人名蠻何容得蘊藉乃改名仲舒謂曰今日
仲舒何如昔日仲舒荅曰昔日仲舒出自私庭今日仲
舒降自天帝勝昔遠矣帝稱善子響少好武自選帶伏
左右六十人皆有膽幹數在內齋殺牛置酒與之聚樂

欽定四庫全書

南北朝史
卷四十五

令私作錦袍絳襖欲餉蠻交易器仗長史劉寅等連名
密啓帝敕精檢寅等懼欲秘之子響聞臺使不見敕乃
召寅及司馬席恭穆諮議參軍江念殷曇粲中兵參軍
周彥典籤吳脩之王賢宗魏景淵等俱入琴臺下
南齊書曰子響詰問之寅等無言脩之曰既降敕旨
正應方便荅塞景淵曰故應先檢校
併斬之帝聞之怒遣衛尉胡諧之遊擊將軍尹畧中書
舍人茹法亮領羽林三千人檢捕羣小敕子響若來首

自歸可全其性命諧之等至江律築城燕尾洲子響白
服登城頻遣信與相聞曰天下豈有兒反身不作賊直
是麤疎今便單舸還闕受殺人罪何築城見捉邪畧荅
曰誰將汝反父人共語子響聞之唯灑泣又送牛數十
頭酒二百石果饌三十輿畧棄之江流

南齊書曰子響始命所養數十人收集府州器仗令
二千人從靈溪西渡克明旦與臺軍對陣南岸子響
自與百餘人袍騎將萬鈞弩三四張宿江堤上明日

欽定四庫全書

南北朝史
卷四十五

凶黨與臺軍戰子響於臺上放弩 愚按南齊書所
言與南史不同當從南史

子響膽力之士王衡天不勝怨乃率黨度洲攻壘斬畧
而諧之法亮單舸奔逸帝又遣丹揚尹蕭順之領兵繼
之子響即日將白衣左右三十人乘舴艋中流下都初
文惠太子素忌子響及順之將發密諭不許生還令為
之所及子響見順之欲自申明順之不許於射堂縊之
南齊書曰子響部下懼各逃散子響乃白服出降詔

賜死蓋蕭子顯著書梁世故為武帝父順之諱也

有司奏絕子響屬藉改姓靖氏子響密作啓數紙藏妃

王氏裙腰中具自申明云輕舫還闕不得惟願矜憐此

苦無使竹帛齊有反父之子父有害子之名及順之還

帝甚怪恨及百日於華林為子響作齋帝自行香對諸

朝士頓蹙及見順之嗚咽移時左右莫不掩涕他日出

景陽山見一猿透柳悲鳴問後堂丞此猿何意荅曰猿

子前日墮崖致死其母求之不見故爾帝因憶子響歎

欽定四庫全書

南北朝史注
卷四十五

歎良久不自勝順之慙懼感病卒於是豫章王嶷上表

曰故庶子靖子響識懷靡樹見淪不逞肆忽一朝取陷

凶德身膏草野未云塞繁但張矢倒戈歸罪司戮即理

原心迷而知返羣骨不收辜魂莫赦撫事惟往載傷心

目願一下天矜使得旋寔餘麗

齊書又曰臣提携鞠養俯見成人雖輟膚蕃條歸體

璇萼循執之念不移傳訓之憐何已敢冒宸嚴布此

悲乞

帝不許貶為魚復侯

安陸王子敬字雲端武帝第五子初封應城縣公先是

子敬所生早亡帝命貴妃范氏母養之而子及婦服制

禮無明文永明中尚書令王儉議孫為慈孫婦為慈婦

姑為慈姑宜制基服從之十年位散騎常侍撫軍將軍

丹陽尹隆昌元年遷都督南兖州刺史延興元年加侍

中明帝除諸藩王遣中護軍王玄邈征九江王廣之襲

殺子敬初子敬為武帝所留心帝不豫有意立子敬為

欽定四庫全書

南北朝史注
卷四十五

太子代太孫子敬與太孫俱入參畢同出帝目送子敬

良久曰阿五鈍代換之意乃息

晉安王子懋字雲昌武帝第七子諸子中最為清恬有

意思廉讓好學年七歲時母阮淑媛嘗病篤請僧行道

有獻蓮華供佛者眾僧以銅甕盛水漬其莖欲華不萎

子懋流涕禮佛曰若使阿姨因此和勝願請佛令華竟

齋不萎七日齋畢華更鮮紅視甕中稍有根鬚當世稱

其孝感永明五年為南兖州刺史監五州軍事八年撰

春秋例苑三十卷奏之武帝敕付秘閣十一年為都督雍州刺史給鼓吹一部豫章王喪服未畢帝以邊州須威望許得奏之

南齊書載子懋常請仗世祖敕之曰文章詩筆乃是佳事然世務彌為根本可嘗憶之汝所啓伏悉吾左右御仗也云何得用之品格不可乖當優量覓送

啟求所好書武帝曰知汝嘗書讀在心足為深欣賜以杜預手定左傳及古今善言隆昌元年為征南大將軍

欽定四庫全書

南北史合注
卷四十五

九

江州刺史敕留西楚部曲助鎮襄陽單將白直俠毅自隨陳顯達時屯襄陽入別子懋謂之曰朝廷命身單身而返身是天王豈可過爾輕率今欲將二三千人自隨公意何如顯達曰殿下若不留部曲便大違敕旨顯達因辭出使發去子懋計未立還鎮尋陽延興元年加侍中聞鄱陽隨郡二王見殺欲起兵赴難與參軍周英防閭陸超之議傳檄荆郢入討君側事成則宗廟獲安不成猶為義鬼防閭董僧慧攘袂曰此州雖小孝武嘗用

之今以勤王之師橫長江指北闕請鬱林之過誰能對之於是部分兵將入匡社稷母阮在都遣書欲密迎上阮報同產弟于瑤之為計瑤之馳告明帝於是纂嚴遣中護軍王玄邈平西將軍王廣之南北討使軍主裴叔業與瑤之先襲尋陽聲云為郢府行司馬子懋知之遣三百人守益城叔業沂流直上襲益城子懋先已具舟稽亭渚聞叔業得益城乃據州自衛子懋部曲多雍土人皆踴躍願奮叔業畏之遣于瑤之說子懋曰今還都

欽定四庫全書

南北史合注
卷四十五

十

必無過憂政當作散官不失富貴也子懋既不出攻叔業眾情稍沮中兵參軍于琳之瑤之兄也說子懋重賂叔業子懋使琳之往琳之因說叔業請取子懋叔業遣軍主徐玄慶將四百人隨琳之入城僚佐皆奔散唯周英及外兵參軍王皎更移入城內子懋聞之歎曰不意吾府有義士二人琳之從二百人仗自入齊子懋笑謂之曰不意涓陽翻成梟獍

南齊書載子懋罵曰小人何忍行此事與此不同

琳之以袖障面使人害之故人懼罪無敢至者唯英皎僧慧號哭盡哀為喪殯云

隨郡王子隆字雲興武帝第八子性和美有文才娶尚書令王儉女為妃武帝以子隆能屬文謂儉曰我家東阿也永明八年為都督荊州刺史隆昌元年為侍中撫軍將軍領兵置佐延興元年轉中軍大將軍侍中如故子隆年二十一體過充壯常使徐嗣伯合蘆茹丸服之冀自銷損猶無益也明帝輔政謀害諸王武帝諸子中

欽定四庫全書

南北朝史卷四十五

五

子隆最以才貌見憚故與鄱陽王錡同夜先見殺集行於世

建安王子真字雲仙武帝第九子永明七年累遷郢州刺史加都督隆昌元年為散騎常侍護軍將軍延興元年明帝遣裴叔業就典籤柯令孫殺之子真走入牀下令孫手牽出之叩首乞為奴贖死不從見害年十九西陽王子明字雲光武帝第十子永明元年封武昌王三年失國璽改封西陽十年為會稽太守督五郡軍事

子明風姿明淨士女觀者咸嗟嘆之建武元年為撫軍將軍領兵置佐二年誅蕭湛誣子明及弟子罕子貞同謀謀見害年十七

南海王子罕字雲華武帝第十一子頗有學母樂容華有寵故武帝留心母嘗寢疾子罕晝夜祈禱時以竹為燈續照夜此續宿昔枝葉大茂母病亦愈咸以為孝感所至主簿劉駿及侍讀賀子喬為之賦頌建武元年位護軍將軍二年見殺年十七

欽定四庫全書

南北朝史卷四十五

五

巴陵王子倫字雲宗武帝第十三子永明十年為北中郎將南琅邪彭城二郡太守鬱林即位以南彭城祿力優厚奪子倫與中書舍人綦母珍之更以南蘭陵代之延興元年明帝遣中書舍人茹法亮殺子倫子倫時鎮琅邪城有守兵子倫英果明帝恐不即罪問典籤華伯茂伯茂曰公若遣兵取之恐不即可辨若委伯茂一小吏力耳既而伯茂手自執鴆逼之左右莫敢動子倫正衣冠出受詔謂法亮曰積不善之家必有餘殃昔高皇

帝殘滅劉氏今日之事理數固然舉酒謂亮曰君是身家僑人今銜此命當由事不獲已此酒差非勸酬之爵因仰之而死時年十六法亮及左右皆流涕先是高帝武帝為諸王置典籤帥一方事悉委之每至覲接輒留心顧問刺史美惡係典籤口莫不折節推奉恒慮弗及於是威行州部權重藩君武陵王曄為江州性烈直不可忤典籤趙產之曰今出郡易刺史及見武帝相誣曄遂免還南海王子罕戎琅邪欲暫遊東堂典籤姜秀不

欽定四庫全書

南北史合注
卷四十五

五

許而止還泣謂母曰兒欲移五步亦不得與因何異秀後輒取子罕殿飲器等供其兒昏帝知之鞭二百繫尚方然擅命不改邵陵王子貞嘗求熊白厨人荅典籤不在不敢與西陽王子明欲送書參侍請鮑俱病典籤吳修之不許曰應踏行事乃止言行舉動不得自專微衣求食必須諮訪永明中巴東王子響殺行事劉宣等帝聞之謂羣臣曰子響遂反戴僧靜大言曰諸王俱自應反豈惟巴東帝問其故荅曰天王無罪而一時被囚

取一挺鵝一杯漿皆諮籤帥如不在則竟日忍渴諸州唯聞籤帥不聞刺史竟陵王子良嘗問衆曰士大夫何意詣籤帥參軍范雲荅曰詣長史以下皆無益詣籤帥便有倍本之價不詣謂何子良有愧色及明帝害諸王悉典籤所殺竟無一人相抗孔珪聞之流涕曰衡陽江夏最有意而復害之若不立籤帥當不至此

邵陵王子貞字雲松武帝第十四子建武二年見害年十五

欽定四庫全書

南北史合注
卷四十五

五

臨賀王子岳字雲嶠武帝第十六子明帝害武帝諸子唯子岳及弟六人在後時呼為七王朔望入朝帝還後宮輒歎息曰我及司徒諸兒子皆不長高武子孫日長大永泰元年帝疾甚絕而復蘇於是殺子岳等延興建武中凡三誅諸王每一行事明帝輒先燒香嗚咽涕泣衆以此輒知其夜當殺戮也子岳死時年十四西陽王子文字雲儒武帝第十七子永明七年封蜀郡王建武中改封西陽永泰元年見殺年十四